

informativni **islamski** časopis



"A ko govori ljepše od onoga koji poziva Allahu, koji dobra djela čini i koji govori 'Ja sam doista musliman.'" (Sura Fussilet, ajet 33.)

الحجر

EL-Asr

U susret TUĐIM PRAZNICIMA

POČASTI bogobojaznih



Životni put
šejha Albanija
- ispisan njegovom rukom

U PRODAJI...

U PRODAJI...


U PRODAJI

Doba ashaba je najbolje doba u povijesti čovječanstva. Historija njihovog doba je riznica u kojoj je sačuvana idejna, kulturna, znanstvena, vojna, strategijska i socijalna ostavština 'ummeta. U ovoj znamenitoj historiji, generacije muslimana pronalaze sve ono što će ih učvrstiti u njihovom životu na ispravnom putu i uputi, te primjere kroz koje će spoznati bit i suštinu svog zadatka na ovome svijetu.

Neprijatelji islama: židovi, kršćani, sekularisti, marksisti, šiije rafidijje i ostali, shvatili su opasnost ovog naslijeđa u izgradnji islamske ličnosti. Stoga su radili na izobličavanju, iskrivljivanju, krivotvorenju i izazivanju sumnje i smutnje među generacijama muslimana. Pribjegli su širenju slabih i podmetnutih predaja koje diskreditiraju život ashaba. Neprijatelji islama su formirali našu historiju onako kako odgovara njihovim pokvarenim idejama.

Svjesni svega toga, islamski učenjaci današnjeg vremena danonoćno ulažu trud u ispravljanju iskrivljenog poimanja historijskih činjenica. Plod tog truda jeste i pisanje biografije o Ebu Bekru es-Siddiku, radijallahu anhu. Život i biografija Ebu Bekra, radijallahu anhu, je svijetla stranica historije islama koja svojom ljepotom zasjenjuje svaki drugi životopis, nakon životopisa Allahovih poslanika. Ni u jednoj drugoj biografiji nije zastupljeno toliko primjera časti, ugleda, iskrenosti, borbe i poziva u principe naše uzvišene vjere.

Naslov knjige:	Ebu Bekr es-Siddik – život i djelo prvog halife
Autor:	Dr. Alija Muhammed es-Sallabi
Izdavač:	Džemat "Stichting Hidžra", Nederland
Prijevod:	Mirsad Fikret Porić, prof.
Recenzija:	Hajruddin Tahir Ahmetović, prof.
Format:	B5 (tvrdi uvez)
Broj stranica:	600 (+/-)
Kontakt:	0031 617972659 (NL) / 00387 62311101 (BiH)
E-mail:	info@islamske-knjige.com



U PRODAJI...

U PRODAJI...

Izdavač
Stichting Hidzra
Vertweg 13,
5301 TA Zaltbommel
Nederland

Telefon redakcije: (0031) 617332323

E-mail: redakcija@el-asr.com

Internet: www.el-asr.com

Registracija: ISSN 18730795

Redakcija

Urednik

Šerif Fazlić

Šerijatska recenzija

Mr. Osman Smajlović

Stalni saradnik

Hasan Stranjac

Marketing

Amer Husić

Edin Zukić

DTP

Senad Redžepović

Dizajn naslovne strane

Nihad Silić

Web stranica

Ensar Hadžiselimović

Pretplata

Enes Jakupović

Lektura

Sumeja Đurić, prof.

U ovom broj pišu:

Mr. hfz. Muhammed Fadil Porča

Dr. Hakija Karunić

Hajruddin Tahir Ahmetović, prof.

Ersan Grahovac, prof.

Enes Julardžija, prof.

Adnan Nišić, prof.

Munir Zahirović, prof.

Nazif Subašić

Hasan Stranjac

Abdullah Nasup

Sead Kumro

Nurmina Strika



Novembar/Decembar 2015/1436 H.G. broj 69

INFORMACIJE O PRETPLATI

ZA BOSNU

Godišnja pretplata : 27,00 km

Godišnja elektronska pretplata: 15,00 km

GRUPNE GODIŠNJE PRETPLATE

ZA BOSNU

(Ovo znači da se više osoba iz jednog mjesta pretplati da dobivaju list na jednu adresu)

2 komada 42,00 km

3 komada 57,00 km

4 komada 72,00 km

5 komada 87,00 km

6 komada 102,00 km

7 komada 117,00 km

8 komada 132,00 km

9 komada 147,00 km

CIJENA PO BROJU ZA DŽEM'ATE

10 komada sa poštarinom 27,00 km

15 komada sa poštarinom 42,00 km

20 komada sa poštarinom 54,00 km

itd.....

INFO/ NARUDŽBE

Tel: **062311 101**

E-mail: **marketing@el-asr.com**

Obavezno nas kontaktirajte, u vezi načina uplate na gornji email ili telefon.



INFORMACIJE O PRETPLATI

IZVAN BOSNE

Godišnja pretplata za Evropu: € 30,00

Godišnja pretplata izvan Evrope: € 45,00

Godišnja elektronska pretplata: € 15,00

GRUPNE GODIŠNJE PRETPLATE

ZA EVROPU

(Ovo znači da se više osoba iz jednog mjesta pretplati da dobivaju list na jednu adresu)

2 komada € 45,00

3 komada € 55,00

4 komada € 90,00

5 komada € 100,00

6 komada € 110,00

7 komada € 120,00

8 komada € 130,00

9 komada € 140,00

CIJENA PO BROJU ZA DŽEM'ATE

10 komada sa poštarinom € 25,00

15 komada sa poštarinom € 37,50

20 komada sa poštarinom € 50,00

25 komada sa poštarinom € 62,50

30 komada sa poštarinom € 75,00

35 komada sa poštarinom € 87,50

itd.....

INFO/NARUDŽBE

Tel: **0031 617 700 257**

E-mail: **pretplata@el-asr.com**

Uplate za Evropu:

IBAN: **NL94INGB0005010803,**

SWIFT/BIC: **INGBNL2A,**

IME BANKE: **ING Bank**

Na ime: **Stichting Hidzra**

Obavezno nas kontaktirajte, prije ili poslije vaše uplate, zbog vaše adrese i drugih podataka.

U ovom broju čitajte

POČASTI BOGOBOJAZNIH	6
ALLAHOVO LIJEPO IME EL-HABIR	10
ODABIR SPOLA DJETETA KROZ PRIZMU ŠERIJATA (DRUGI DIO)	12
DEŠAVANJA U SVIJETU	16
CILJEVI RUSKE VOJNE INTERVENCIJE U SIRIJI	18
SKRIVANJE IZA ZAKLETVI – ORUŽJE MUNAFIKA	21
TRAŽENJE ZAŠTITE OD ALLAHA	24
ŽIVOTNI PUT ŠEJHA ALBANIJA – ISPISAN NJEGOVOM RUKOM	26
ZANIMLJIVOSTI	30
BITKA NA MU'TI (DRUGI DIO)	32
PAZI NA SVOJA DOBRA DJELA	35
KO VJERUJE U ALLAHA I SUDNJI DAN	38
SLIJEĐENJE NEUTEMELJENIH OLAKŠICA I POVOĐENJE ZA GREŠKAMA UČENJAKA	40
KUTAK ZA MLADE	44
OPASNOST DOVE U KOJOJ IMA ŠIRKA	46
U SUSRET TUĐIM PRAZNICIMA	48
BEREKET NAMAZA I OBAVEZA NJEGOVOG NAREĐIVANJA UKUĆANIMA	50
MUSLIMANI U AUSTRIJI	52
PITANJA I ODGOVORI	55
KAD I NAJTIŠI ZVUK DOVODI DO LUDILA I NETREPELJIVOSTI – MIZOFONIJA	58

Iz sadržaja izdvajamo

POČASTI BOGOBOJAZNIH

6


“A onome ko se bude Allaha bojao – On će preko ružnih postupaka njegovih preći i još mu veliku nagradu dati.” (Et-Talak, 5) Iskup za grijeh! Zar to nije najveća nagrada o kojoj sanjaju sanjari?! Zar brisanje grijeha nije želja svakog ko želju ima?! Zar brisanje grijeha nije težnja svakog ko težnju ima?! Zar brisanje grijeha nije život za srca?! Zar brisanje grijeha nije ono što priskrbiljuje spas na Dan velikih potištenosti?! “...i još mu veliku nagradu dati”!!! A šta će to biti velika nagrada?! Hoće li to biti zadovoljstvo i milost?! Ili Džennet, čije je prostranstvo kao nebesa i Zemlja?! Samo On jedini to zna. On je riječ nagrada (edžren) upotrijebio u neodređenoj formi kako bi bila i čežnja..., kako bi bila i djela..., kako bi bila i uzvišene težnje. Tako će takvaluk na ovom svijetu vjerniku dati veću snagu na onom svijetu, a plodovi bogobožnosti bit će uživanje u darovanim blagodatima, bez granica.

ODABIR SPOLA DJETETA KROZ PRIZMU ŠERIJATA (DRUGI DIO)

12


Metoda ‘vremensko reguliranje snošaja’ je jedna od prirodnih metoda odabira spola novorođenčeta, jer se oslanja na fizičke osobine spermatozoida. Već smo vidjeli da su muški spermatozoidi pokretljiviji, brži i da kraće žive u odnosu na ženske. To znači da, što odnos bude bliži ovulaciji, vremenu oslobađanja jajne ćelije, koja se kod 28-dnevnog ciklusa događa 14 dana poslije početka menstruacije, prilika spajanja muškog spermatozoida sa jajnom stanicom biva veća i time raste mogućnost začeća muškog djeteta. Veća mogućnost začeća ženskog djeteta biva kada se odnos desi dva ili tri dana pred ovulaciju. Šetles tvrdi da se procent uspješnosti ove metode kreće od 79% do 90%.

CILJEVI RUSKE VOJNE INTERVENCIJE U SIRIJI

18

Na osnovu prvih vojnih udara ruskog zrakoplovstva i napada iranskih snaga možemo zaključiti da se rusko-iranska vojna intervencija poklapa sa Asadovom strategijom koja počiva na zadržavanju vojnog prisustva na području koje naziva “korisnom Sirijom”, a to su pokrajine Lattakija i Tartus, dijelovi pokrajina Homs i Hama te glavni grad Damask. Ovo zaključujem na osnovu činjenice da su ruske vojne snage (48 borbenih aviona, 6 tenkova i 35 oklopnih vozila) smještene u zrakoplovnoj bazi Hamimin kod Lattakije i mornaričkoj bazi u Tartusu, i s obzirom na to nisu u stanju izvesti kopnene operacije na područjima udaljenim od tih baza. Pored toga, ograničene ekonomske mogućnosti onemogućavaju Rusiji poduzimanje bilo kakve kopnene operacije širih razmjera na teritoriju udaljenom od njenih granica, naročito zbog međunarodnog pritiska i sankcija međunarodne zajednice kojima je Rusija izložena nakon aneksije Krima, pada cijena nafte, pada vrijednosti rublje i poskupljenja određenih živežnih namirnica za čak 30%.



U SUSRET TUĐIM PRAZNICIMA

48


Ovom prilikom neću pisati o tome da su naši učenjaci kroz vijekove, od doba velikih imama i mudžtehida pa do danas, smatrali da je čestitanje nevjernicima njihovih praznika zabranjeno djelo, nego ću radije iskoristiti priliku da te upitam, cijenjeni čitače, kako bi se osjećao da ti neko priđe i kaže da je tvoja majka nečasna žena koja je rodila dijete u vanbračnoj zajednici? Ili da, recimo, potvori tvoju suprugu? Da li bi se naljutio? Da li bi kod tebe proradila ljubomora? Ako je odgovor pozitivan, a vjerujem da jeste, onda te pitam: zar je moguće da nemaš ljubomoru i ne ljutiš se kad neko vrijeđa tvoga Gospodara pripisujući Mu sina!? Umjesto toga, ti mu još čestitaš i poželiš sreću i zdravlje. Da li si svjestan da ustvari čestitaš i raduješ se jer neko smatra da tvoj Gos-

podar ima sina? Vjerujem da si čitao ove ajete: “Gotovo da se nebesa raspadnu, a Zemlja provali i planine zdrobe zato što Milostivom pripisuju dijete.” (Merjem, 90–91) Oni Mu dijete pripisuju, a ti im to čestitaš!?

Počasti bogobojaznih

AUTOR: NEBIL DŽELHUM

PRIPREMIO: HALIL EF. MAKIĆ

“A ONOME KO SE BUDE ALLAHA BOJAO – ON ĆE PREKO RUŽNIH POSTUPAKA NJEGOVIH PREĆI I JOŠ MU VELIKU NAGRADU DATI.” (ET-TALAK, 5) ISKUP ZA GRIJEHE! ZAR TO NIJE NAJVEĆA NAGRADA O KOJOJ SANJAJU SANJARI?! ZAR BRISANJE GRIJEHA NIJE ŽELJA SVAKOG KO ŽELJU IMA?! ZAR BRISANJE GRIJEHA NIJE TEŽNJA SVAKOG KO TEŽNJU IMA?! ZAR BRISANJE GRIJEHA NIJE ŽIVOT ZA SRCA?! ZAR BRISANJE GRIJEHA NIJE ONO ŠTO PRISKRBILJUJE SPAS NA DAN VELIKIH POTIŠTENOSTI?! “...I JOŠ MU VELIKU NAGRADU DATI”!!! A ŠTA ĆE TO BITI VELIKA NAGRADA?! HOĆE LI TO BITI ZADOVOLJSTVO I MILOST?! ILI DŽENNET, ČIJE JE PROSTRANSTVO KAO NEBESA I ZEMLJA?! SAMO ON JEDINI TO ZNA. ON JE RIJEČ NAGRADA (EDŽREN) UPOTRIJEBO U NEODREĐENOJ FORMI KAKO BI BILA I ČEŽNJA..., KAKO BI BILA I DJELA..., KAKO BI BILA I UZVIŠENE TEŽNJE. TAKO ĆE TAKVALUK NA OVOM SVIJETU VJERNIKU DATI VEĆU SNAGU NA ONOM SVIJETU, A PLODOVI BOGOBOJAZNOSTI BIT ĆE UŽIVANJE U DAROVANIM BLAGODATIMA, BEZ GRANICA.

Kako je samo lijepo da Uzvišeni Allah u Svojoj vječnoj knjizi, Kur'anu, spomene jednu skupinu Svojih robova opisujući ih posebnim svojstvima, obasipajući ih, iz Svoje dobrote, kerametima – počastima.

Opisujući bogobojazne, Uzvišeni koristi takve atribute da duša vjernika naprosto čezne i počne da izgara u nadi da postane poput njih. To je opis koji u vjernička srca usađuje želju da postanu poput bogobojaznih koje Allah opisuje, tako da se ruh uzdigne, radost poveća, a nada obnovi iz žudnje prema Allahovoj ljubavi, Allahovom zadovoljstvu, Allahovom hvaljenju i Allahovoj pohvali. I zašto da ne?

Skupina kojom je Allah zadovoljan jest skupina koja uživa u blagodatima u kakvim ne uživa nijedna druga, koja je sretna zbog raznih milosti i počasti svoga Gospodara i njoj je zapisana dobrotu, počast, radost, dobitak i očuvanost.

Jedna od tih odlikovanih skupina među Allahovim robovima koje u mnogim ajetima obuhvata kontekst uzvišenog Kur'ana i mudrog Zikra – govorom koji je duši drag, srcu donosi smiraj, budi nade i potiče na uzvišene težnje – jeste i skupina muttekija – bogobojaznih. Molimo Uzvišenog Allaha da svi budemo od njih! O njima se govori na mnogim mjestima u Kur'anu i to jednim fascinantnim stilom, koji pokazuje punu čežnju. O Allahu, Gospodaru naš, učini nas od njih!

Počasti koje je Allah ukazao Svojim bogobojasnim robovima jesu sljedeće:

RADOSNA VIJEST – MUŠTULUK

Uzvišeni Allah odlikovao je i privilegirao bogobojazne počašću muštuluka: **“Oni koji budu vjerovali i koji se budu Allaha bojali, za njih su dobre vijesti i na ovome i na onome svijetu – Allahove riječi niko ne može izmijeniti – to će, zaista, velik uspjeh biti.”** (Junus, 63–64)

To su bogobojazni! Jer, oni su ti koji izvršavaju naredbe i klone se zabrana. Zamisli, kakve su to radosne vijesti kojima im Uzvišeni Allah uka-

zuje počast!

Je li to radosna vijest o zadovoljstvu i milosti ili radosna vijest o brisanju loših djela i povećanju dobrih djela?

Ili je to radosna vijest o Džennetu, čije je prostranstvo poput nebesa, ili je to radosna vijest o blagom motrenju Onoga koji je saosjećajan (El-Hannan) i Onoga koji je dobrostiv (El-Mennan)?

Ili je to radosna vijest o napajanju vodom od Njega, uzvišen neka je: **“Na njima će biti odijela od tanke zelene svile, i od teške svile, nakićeni narukvicama od srebra, i dat će im Gospodar njihov da piju čisto piće.”** (Ed-Dahr, 21)

Ili je to radosna vijest o društvu Vjerovjesnika, njegove porodice i njegovih ashaba? Ili je to radosna vijest o hurijama, naravi divnih i očiju prekrasnih, ili radosna vijest o vječitom užitku?

Ili je to radosna vijest o svemu spomenutom?

U svakom slučaju, to je radosna vijest koja nosi vječitu sreću.

Dova i želja: Gospodaru naš, uljepšaj nas bogobojaznošću, opskrbi nas muštulukom i ne liši nas boravišta u Džennetu!

ALLAHOVA BLIZINA

“Allah je zaista na strani onih koji se Njega boje i grijeha klone i koji dobra djela čine.” (En-Nahl 128)

Zaista je Allah sa onima koji se Njega boje i koji su udaljeni od nevjerstva i zablude. On je sa bogobojaznima, koji čine dobra djela, izvršavajući naredbe i kloneći se zabrana. Božanska blizina! A šta ti znaš šta je to Božanska blizina?!

Gospodaru, pa ima li nakon Tvoje blizine bilo kakve blizine?!

Ima li, nakon Tvoje zaštite, o Ti koji zaštitu daješ, zaštitnika?!

Ima li nakon Tvog zastora, o Ti koji zastor daješ, onog koji zastor nudi?!

Ima li nakon Tvog zadovoljstva, o Vlasniče zadovoljstva, zadovoljstva?!

Da li je neko s kim si Ti, o Uzvišeni, i čiji si Ti oslonac, bilo šta izgubio?!

Da li je iko koga si Ti, o Samilonsni, ostavio, bilo šta postigao?!

Da li je ikome s kim si Ti, o Pomagaču, potrebna pomoć nekog drugog?!

Da li je ikome s kim si Ti, o Druželjubivi, potreban prisan drug?!

Da li je ikoga s kim si Ti, o Veliki, zadesio očaj ili nesreća?!

Da li je iko s kim si Ti, o moj Zaštitniče, bio izgubljen?!

Da li je iko s kim si Ti, o Ti koji najbolje čuvaš, propao?!

Da li je iko s kim si Ti, o Ti koji pruža sigurnost onima koji strahuju, u strahu ostao?!


Ne, nikada i nikada! Lijep završetak određen je onome s kim je Allah. Onaj s kim je Allah bit će ponosan, pobijedit će, nadvladat će i dominirat će. Onaj s kim je Allah uspjet će, zaradit će i neće propasti. Onaj s kim je Allah bit će zadovoljan i skroman. Onaj s kim je Allah bit će sačuvan i od ljudskih i od džinskih šejtana. Onaj sa kim je Allah odmorit će se i odahnuti. Onome s kim je Allah srce će se smiriti, a prsa prostranim postati.

Dova i želja: Gospodaru naš, ne liši nas Svoje blizine jer mi, Gospodaru naš, ovisimo o Tebi, a ne o drugima!

ALLAHOVO DARIVANJE ZNAJJA I MUDROSTI

“O vjernici, ako se budete Allaha bojali, On će vam sposobnost darovati, pa ćete istinu od neistine moći rastaviti i preko ružnih postupaka vaših će preći i oprostiti vam. A Allahova dobrota je neizmijerna.” (El-Enfal, 29)

Kakva je to sposobnost? Sposobnost kojom se, znanjem i mudrošću, raspoznaje istina od laži. Sposobnost kojom se, znanjem i mudrošću, raspoznaje mišavo od



debelog. Sposobnost kojom se, znanjem i mudrošću, raspoznaje lijepo od ružnog. Sposobnost kojom se, znanjem i mudrošću, raspoznaje dobro od lošeg. Sposobnost kojom se, znanjem i mudrošću, raspoznaje pravi od krivog puta. Sposobnost kojom se, znanjem i mudrošću, raspoznaje dobro od zla. Sposobnost kojom se, znanjem i mudrošću, raspoznaje nerad od rada. Sposobnost kojom se, znanjem i mudrošću, raspoznaje zabluda od upute. Sposobnost kojom se, znanjem i mudrošću, raspoznaju zla od dobrih djela. Sposobnost kojom se, znanjem i mudrošću, raspoznaje život od smrti. Sposobnost kojom se, znanjem i mudrošću, raspoznaje Džennet od Džehennema. Sposobnost kojom se, znanjem i mudrošću, raspoznaje srdžba od blagosti.

Dova i želja: Gospodaru naš, odaberi nas između Svojih robova i učini nas od onih koji zaslužuju

Tvoje velike darove i to dobrotom Tvog Furkana!

ISKUP ZA GRIJEHE I VELIKA NAGRADA

“A onome ko se bude Allaha bojao – On će preko ružnih postupaka njegovih preći i još mu veliku nagradu dati.” (Et-Talak, 5)

Iskup za grijeh! Zar to nije najveća nagrada o kojoj sanjaju sanjari?! Zar brisanje grijeha nije želja svakog ko želju ima?! Zar brisanje grijeha nije težnja svakog ko težnju ima?! Zar brisanje grijeha nije život za srca?! Zar brisanje grijeha nije ono što priskrbiljuje spas na Dan velikih potištenosti?!

“...i još mu veliku nagradu dati”!!!

A šta će to biti velika nagrada?! Hoće li to biti zadovoljstvo i milost?! Ili Džennet, čije je prostranstvo kao nebesa i Zemlja?! Samo On jedini

to zna. On je riječ nagrada (edžren) upotrijebio u neodređenoj formi kako bi bila i čežnja..., kako bi bila i djela..., kako bi bila i uzvišene težnje. Tako će takvaluk na ovom svijetu vjerniku dati veću snagu na onom svijetu, a plodovi bogobojažnosti bit će uživanje u darovanim blagodatima, bez granica.

Dova i želja: Gospodaru naš, oprosti nam grijeha koji donose kazne! Gospodaru naš, oprosti nam grijeha koji promijene (odagnaju) blagodati! Gospodaru naš, oprosti nam grijeha koji ostavljaju kajanje! Gospodaru naš, oprosti nam grijeha koji zadržavaju ono što je određeno! Gospodaru naš, oprosti nam grijeha koji ubrzavaju nestajanje! Gospodaru naš, oprosti nam grijeha koji presijecaju nadu! Gospodaru naš, povećaj nam nagrade i, počašću od Sebe i dobrotom, loša djela nam zamijeni dobrim i povećaj Svoju milost prema nama!

USPJEH U STJECANJU ZNANJA

“I bojte se Allaha – Allah vas uči, i Allah sve zna.” (El-Bakara, 282)

Bogobojazni... to su oni koji najrevnosnije čuvaju prava ostalih ljudi. Kad su u pitanju dugovi i ostale materijalne obaveze oni se boje svoga Rabba. Zapisuju ih, traže da se to posvjedoči i čuvaju ih od upropaštavanja. Bogobojazni su oni koji najbolje izvšavaju emanete. Bogobojazni su najuzvišenija stvorenja koja poštuju materijalna prava ljudi jer se oni boje svoga Rabba **i boje se Dana čija će kob svuda prisutna biti.** Oni ne iznevjeravaju materijalne ugovore, ne falsificiraju u tome i ne varaju. Između njih i emaneta je brana; strah od Allaha.

Dova i želja: Gospodaru naš, učini nas da budemo od bogobojaznih, onih koje njihova vjera uči i daje im da ispravno razumiju propise vezane za njihove imetke i štite ih da im njihova srca ne posrnu k nepokornosti Tebi, i od upropaštavanja Tvojih emaneta kao što ih štite od izazivanja srdžbe nekih stvorenja iz Tvog ummeta.

OPROST – MAGFIRET

“I ako vi budete odnose popravili i nasilja se klonili – pa, Allah će, zaista, oprostiti i samilostan biti.” (En-Nisa, 129)

Muškarac koji bude imao više žena obavezan je da se prema njima lijepo i pravedno odnosi, ukoliko želi da bude od bogobojaznih. Svijest o Allahovom naduoru, kad su u pitanju supruge, nešto je što je vrhunac ozbiljnosti. Bogobojazni su oni koji ne čine nasilje i nepravdu nijednoj od njih. U poligamnom braku mora biti zastupljeni pravda i ujednačen odnos prema suprugama. A ako je to neizvodivo, onda mora da osjeća bojazan i strah od Allaha i to ulaganjem truda u ostva-

ri vanju pravde u materijalnim stvarima i ophođenju prema njima, a za one težnje srca neće biti ukora od Allaha i On će to oprostiti.

Dova i želja: Molimo Allaha za oprost od grijeha koji sprečavaju kišu s neba! Molimo Allaha za oprost od grijeha koji razotkrivaju veo! Molimo Allaha za oprost, vraćajući se Allahu! Molimo Allaha za stid od Allaha! Molimo Allaha za oprost, kajanjem i istinskom potragom za povratkom! Molimo Allaha za oprost, bježeći od Allahove srdžbe Allahovom zadovoljstvu! Molimo Allaha za oprost i zbog pretjerivanja i zbog zanemarivanja! Molimo Allaha za oprost od činjenja grijeha, od uprljanosti mahana ma i od gubljenja nade u Allahovu milost! Molimo Allaha za oprost takvim istigfarom koji će trajati sa trajanjem Allaha i ostati sa Allahovim ostajanjem! Molimo Allaha za oprost od svakog grijeha koji neminovno iziskuje crnilo lica na Dan kada neka lica budu crna!

USPJEH I LAHKOĆA U IZVRŠAVANJU POSLOVA

“A onome ko se Allaha boji, On će sve što mu treba učiniti dostupnim.” (Et-Talak, 4)

Za strah od Allaha u pitanjima braka, razvoda, pričeke i ostalom, Allah nagrađuje nagradom koja dolikuje Njegovoj uzvišenosti, a divan li je On Nagraditelj! To je nagrada uspjeha i nagrada olakšavanja u svim poslovima, i ovoga i onoga svijeta.

Dova i želja: Gospodaru naš, učini nas, zajedno sa našim porodicama, od onih koji su bogobojazni! I učini nas, zajedno sa njima, da budemo od onih ljudi koji najbolje poznaju propise i zakone vjere, kako bismo, Gospodaru naš, zaslužili od Tebe jasno olakšanje! Gospodaru naš, nema lahkog osim onoa što Ti lahkim učiniš, a Ti, kada hoćeš,

tugu učiniš lahkom, pa nam olakšaj u našim poslovima! Gospodaru naš, kao što si željezo učinio mehkim Davudu, učini nam srca mehkim i olakšaj nam izlazak iz poteškoća! Gospodaru naš, olakšaj nam Svoje dobročinstvo, Svoju opskrbu, Svoju sigurnost i Svoju zaštitu! Gospodaru naš, olakšaj nam teške situacije i nama ih podredi i poniznim učini! Gospodaru naš, olakšaj nam svako djelo koje nas dovodi Tebi! Gospodaru naš, olakšaj nam naše poslove i podari nam lahkoću i uspjeh u svim našim poslovima! Gospodaru naš, olakšaj da se razdriješi sve svezano i olakšaj lijek svakom ureknutom i onome kome se zavidi! Gospodaru naš, olakšaj nam dolazak do naše opskrbe! Gospodaru naš, olakšaj nam dolazak do lijekova! Gospodaru naš, olakšaj nam svaku stvar jer učiniti teško lahkim Tebi je, Gospodaru naš, lahko!

USPJEŠAN IZLAZ IZ SVAKE SITUACIJE

“...a onome koji se Allaha boji, On će izlaz naći...” (Et-Talak, 2)

Kakav će izlaz naći, iz čega? Izlaz iz svake situacije. Izlaz iz umora i tereeta. Izlaz iz tragedija. Izlaz iz teških stvari i iskušenja koja odvede u zabludu. Izlaz iz tjeskobe u prostranstvo. Izlaz iz tmina na svjetlo. Izlaz iz tuge u radost. Izlaz iz neprijateljskih zamki ka trijumfu i pobjedi. Izlaz iz ovosvjetskog tjesnaca ka Džennetu i ahiretskom prostranstvu.

Dova i želja: Gospodaru naš, izvedi nas iz svakog tjesnaca koji pritišće naš život! Gospodaru naš, izvedi nas sa ovog svijeta dok si zadovoljan nama! Gospodaru naš, učini da umremo, a da si Ti zadovoljan nama i učini da iz mrtvih ustanemo, a da si Ti zadovoljan nama!

Nastavit će se, inšallah...
(Izvor: *saaaid.net*)

Allahovo lijepo ime

EL-HABIR

PIŠE: HAJRUDIN TAHIR AHMETOVIĆ, PROF.

Jedno od lijepih Allahovih imena jeste i ime El-Habir – Onaj koji je o svemu obaviješten, koje se u Kur'anu spominje četrdeset pet puta. Ponekada se spominje zajedno s imenom El-Alim, nekad uz ime El-Hakim, a ponekad uz ime El-Besir i najčešće dolazi kao u riječima Uzvišenog Allaha: **“A Allah je dobro obaviješten o onome što vi radite!”** (Alu Imran, 153); **“A Allah je o onome što radite dobro obaviješten!”** (El-Bekara, 234)

Što se tiče tih nekih ajeta u Kur'anu na kojima se spominje Allahovo lijepo ime El-Habir, to su i sljedeći: **“Doista će njihov Gospodar toga Dana zasigurno o svemu biti obaviješten!”** (El-Adijat, 11); **“Rekao je: ‘Obavijestio me je Sveznajući, Onaj koji je o svemu dobro obaviješten!’”** (Et-Tahrim, 3); **“Doista je Allah o Svojim robovima dobro obaviješten i On ih dobro vidi.”** (Fatir, 31)

ZNAČENJE IMENA EL-HABIR U ARAPSKOM JEZIKU

El-Habir dolazi od riječi *el-hibru* ili *el-hubru*, odnosno od riječi *el-hibretu* ili *el-hubretu*, a sve ove riječi imaju značenje znanja o nečemu. Tako se kaže: “Čovjek je hābir i habīr”, tj. onaj koji zna vijest o nečemu. (Detaljnije: Ez-Zudžadži, *Istikakul-esma*, str. 127; El-Dževheri, *Es-Sihah*, 2/641; *El-Lisan*, 2/1090)

ZNAČENJE ALLAHOVOG LIJEPOG IMENA EL-HABIR

Ibn Kajjim, rahimehullahu teala, kaže: “El-Habir je Onaj čije znanje obuhvata unutrašnjosti svih stvari i skrivenosti, kao što obuhvata i njihove spoljašnjosti.” (*Es-Savaikul-murse-la*, 2/492)

Gazali, rahimehullahu teala, rekao je: “El-Habir jeste Onaj kojem ne promiču skrivene stvari i ništa se ne pokrene u Njegovoj vlasti, u svemu

čime On vlada, nijedan se atom ne pokrene niti smiri, nijedna se duša ne uznemiri niti postane smirena i spokojna a da On o tome nema vijest. El-Habir ima značenje kao i El-Alim – Sveznajući, s tim da, kada se imenu El-Alim doda poznavanje skrivenih stvari, tada se njihov poznavalac naziva El-Habir.” (*El-Maksadul-Esna*, str. 63)

Šejh Sa'di, rahimehullahu teala, rekao je: “El-Alim i El-Habir jeste Onaj čije znanje obuhvata javnosti i tajnosti, vidljive i skrivene stvari, obuhvata obavezne radnje, nemoguće i moguće, na zemaljskom svijetu i uzvišenom svijetu, Njegovo znanje obuhvata prošlost, sadašnjost i budućnost, tako da Mu ništa nije skriveno!” (*Tejsirul-Kerimir-Rahman*, 5/299)

Ibn Ašur rekao je: “El-Habir jeste Onaj koji poznaje sve detalje razumskih i opipljivih stvari, sve detalje vidljivih i nevidljivih stvari.” (*Et-Tabriru vet-tenviru*, 11/310)

ALLAHOVO LIJEPO IME EL-HABIR U NAŠEM ŽIVOTU

● Kada vjerujemo da Allah, subhanehu ve teala, dobro i detaljno poznaje Svoje robove: ljude, džine, meleke i druge, kao što je i rekao: **“Uistinu, Allah Svoje robove dobro poznaje i dobro ih vidi!”** (Fatir, 31), i kada vjerujemo da Allah, subhanehu ve teala, dobro poznaje djela Svojih robova, kao što je i rekao: **“I bojte se Allaha, uistinu, Allah dobro zna ono što vi radite!”** (El-Hašr, 18), kada vjerujemo, ubijedeni smo i znamo da Allah poznaje svako naše stanje u kojem se nalazimo, zna kada smo na ispravnom, kada smo ustrajni u dobrim djelima, kao što je rekao: **“A vi, ako budete činili dobra djela i budete bogobožni, pa, uistinu Allah dobro poznaje ono što vi radite!”** (En-Nisa, 128), On dobro zna za nas kada skrenemo s Pravog puta, kada ostavimo činjenje dobrih djela, kao što je rekao: **“A i ukoliko se okrenete ili odbijete, pa Allah doista dobro zna ono što vi radite!”** (En-Nisa, 135) – tada dobro vodimo računa o riječima koje izgovaramo i djelima koja radimo, vodimo računa o svojim tajnim i javnim djelima, jer Allah, subhanehu ve teala, sve ih do u detalje dobro poznaje. Shodno tome, izgovaramo samo riječi kojima se pokoravamo Allahu, želimo i žudimo samo za onim što predstavlja pokornost Allahu, subhanehu ve teala, čistimo sve svoje riječi i sva svoja djela i u tajnosti i u javnosti, čistimo sav svoj ibadet prema Allahu. Trebamo dobro znati da Uzvišenom Allahu ništa nije skriveno, kod Njega je tajno i javno isto. Koliko smo god u mogućnosti prisjećajmo se ovih riječi našeg Uzvišenog Gospodara: **“Vi, da li stišali svoje govore ili ih javno iznosili i glasno govorili, uistinu On dobro poznaje ono što se nalazi u vašim grudima! A kako i da ne zna Onaj koji je stvorio! On je Onaj koji poznaje i najskrivenije stvari, Onaj koji sve dobro poznaje!”** (El-Mulk, 13–14)

● Vodimo računa o svome srcu! Zar ne čujemo da Allah dobro zna

ono što je u našim srcima?! Stoga, očistimo svoja srca od svakog vida nevjerstva i licemjerstva, oholosti i umišljenosti, od zavisti, zlobe i mržnje prema vjernicima i svega lošeg! Znamo dobro da se sve kreće oko srca! Zar Uzvišeni Allah nije rekao: **“Toga dana (Sudnjeg dana) neće koristiti imetak niti sinovi! Samo čisto srce će koristiti onome koji s njim dođe pred Allaha!”** (Eš-Šuara, 88–89)

Nadam se da nam je dobro poznat hadis Allahovog Poslanika, sallallahu alejhi ve sellem, u kojem kaže: *“Zar u tijelu nema komad mesa, ukoliko on bude ispravan ispravno će biti i cijelo tijelo, i ukoliko se on pokvari, pokvarit će se i cijelo tijelo! Zar to nije srce?!”* (Buhari od Nu'mana b. Bešira, radijallahu anhu)

Također hadis Allahovog Poslanika, sallallahu alejhi ve sellem, u kojem kaže: *“Uistinu, Allah ne gleda u vašu tijela, niti gleda u vaše izgled, već gleda u vašu srca”*, pa je svojim prstima pokazao prema grudima. (Muslim od Ebu Hurejre, radijallahu anhu)

● Trudimo se, koliko smo u mogućnosti, da se odazovemo naredbama Uzvišenog Allaha i naredbama Njegovog Poslanika, sallallahu alejhi ve sellem, da se pokoravamo Allahu i Njegovom Poslaniku maksimalno, jer je Uzvišeni Allah rekao: **“I pokoravajte se Allahu i Njegovom Poslaniku, a Allah dobro zna ono što vi radite!”** (El-Mudžadela, 13)

Također, nastojimo, koliko smo u mogućnosti, da se klonimo grijeha jer ih Allah dobro poznaje, bilježi ih i čuva i sutra će nas za njih pitati i obračunavati. Rekao je Uzvišeni: **“I dovoljan ti je tvoj Gospodar, koji grijeh Svojih robova dobro poznaje i vidi ih!”** (El-Isra, 17)

● Oborimo svoj pogled, čuvajmo svoj pogled i svoj spolni organ od onoga što je Uzvišeni Allah zabranio, jer je On Svevišnji i rekao: **“I reci vjernicima neka obore svoje poglede i neka čuvaju svoje spolne organe, to je za njih čišće i bolje, doista Allah dobro poznaje ono što oni čine!”** (En-Nur, 30)

Kada ovo znamo, onda oborimo

svoje poglede, čuvajmo svoja stidna mjesta i sve svoje organe od onoga što srđi našeg Uzvišenog Gospodara!

● Dobro se čuvajmo pogleda kriomice, budimo svjesni da Uzvišeni Allah zna za njega. Rekao je: **“On zna ono što pogledi kriomice prate i što grudi u sebi skrivaju!”** (Gafir, 19)

Zato, kada želiš nešto da kažeš ili nešto da uradiš, zamisli se kako stojiš pred Silnim i Uzvišenim Gospodarom, Allahom! Boj se Allaha i stidi Ga se u svakoj svojoj riječi, svakom djelu, svakom svom pokretu, u svakoj svojoj želji, nastojanju, radosti, osamljivanju i miješanju s drugima, boj se Allaha u svome razmišljanju, znaj da se Uzvišeni Allah obraća tebi kao što se obratio i Svome vjerovjesniku Muhammedu, sallallahu alejhi ve sellem, riječima: **“Reci: ‘Doista su moji namazi i moji obredi, i moj život i moja smrt, posvećeni samo Allahu, Gospodaru svih svjetova!’”** (El-En'am, 162)

● Budimo pravedni jer pravedni su bogobožni! Znajmo da ne možemo biti bogobožni, istinski se bojati Allaha, sve dok ne budemo pravedni prema svima, jer je pravdu Allah naredio i pojasnio kako da se pravedno ophodimo prema svima: **“Pravedni budite, doista je to bogobožnost, zato se bojte Allaha, jer Allah dobro zna ono što vi radite!”** (El-Maida, 8)

● Podsjećajmo svoje porodice, svoju djecu da je Uzvišeni Allah Blagi i Onaj koji sve dobro poznaje, da On dobro zna ono što se nalazi u njihovim dušama, dobro zna ono što na javu iznose i ono što kriju u sebi, kao što Uzvišeni Allah kaže, spominjući riječi Lukmana kojima je savjetovao svoga sina: **“O sinčiću moj! Dobro ili zlo, teško koliko zrno gorušice, bilo u stijeni ili na nebesima ili u zemlji, Allah će na vidjelo iznijeti, jer Allah zna najskrivenije stvari, On sve dobro poznaje!”** (Lukman, 16)

Uzvišenog Allaha molim da nam omili izučavanje Njegovih lijepih imena, da Ga upoznamo putem njih i zavolimo Ga još više i još više Mu budemo pokorni!

ODABIR SPOLA DJETETA kroz prizmu šerijata

(DRUGI DIO)

PIŠE: DR. HAKIJA KANURIĆ

METODA 'VREMENSKO REGULIRANJE SNOŠAJA'

JE JEDNA OD PRIRODNIH METODA ODABIRA SPOLA NOVOROĐENČETA, JER SE OSLANJA NA FIZIČKE OSOBINE SPERMATOZOIDA. VEĆ SMO VIDJELI DA SU MUŠKI SPERMATOZOIDI POKRETLJIVIJ I, BRŽI I DA KRAĆE ŽIVE U ODNOSU NA ŽENSKU. TO ZNAČI DA, ŠTO ODNOS BUDE BLIŽI OVULACIJI, VREMENU OSLOBAĐANJA JAJNE ČELIJE, KOJA SE KOD 28-DNEVNOG CIKLUSA DOGAĐA 14 DANA POSLIJE POČETKA MENSTRUACIJE, PRILIKA SPAJANJA MUŠKOG SPERMATOZOIDA SA JAJNOM STANICOM BIVA VEĆA I TIME RASTE MOGUĆNOST ZAČEĆA MUŠKOG DJETETA. VEĆA MOGUĆNOST ZAČEĆA ŽENSKOG DJETETA BIVA KADA SE ODNOS DESI DVA ILI TRI DANA PRED OVULACIJU. ŠETLES TVRDI DA SE PROCENT USPJEŠNOSTI OVE METODE KREĆE OD 79% DO 90%.

Zahvala pripada Allahu, Gospodaru svjetova, i neka su salavati i selami na Allahovog miljenika, odabranog roba i poslanika Muhammeda, na njegovu porodicu, ashabe i sve koji slijede njegovu uputu.

U prošlom broju govorili smo o odabiru spola djeteta sa aspekta islamske doktrine – akide, i ukazali smo da stadiji razvoja embriona i njegov spol nisu stvari gajba koje čovjek nije u stanju dokučiti, niti je

određivanje spola djeteta u kontradikciji sa Allahovom voljom. Prema tome, izbor spola djeteta nije kontradiktoran islamskoj doktrini. Ostaje da se ukaže na pravni aspekt ovog pitanje i šerijatski status različitih metoda odabira spola djeteta.

METODE ODABIRA SPOLA DJETETA

Metode odabira spola djeteta mogu se klasificirati u dvije skupi-

ne: prirodne i laboratorijske. Da bi se lakše shvatile ove metode i principi na kojima su bazirane, korisno je podsjetiti na način nastanka embriona i formiranja spola djeteta, o čemu je bilo govora u prošlom broju, te ukazati na rezultate znanstvenih istraživanja o osobinama muških i ženskih spermatozoida i razlika među njima, od kojih su najbitnije sljedeće:

– Muški spermatozoid brže se kreće od ženskog i stiže do jajne će-

lije otprilike za šest sati, dok ženski stiže za dvanaest ili više sati.

– Muški spermatozoid kraće živi od ženskog.

– Muški spermatozoid teži lužastoj sredini, dok ženski teži kiseloj sredini.

– Muški spermatozoid je blještav za razliku od ženskog.

Ova otkrića imala su suštinski utjecaj na određivanje metoda izbora spola u modernom vremenu, jer se te metode u osnovi baziraju na omogućavanju da željeni spermatozoid dođe do jajne ćelije i oplodi je. Najpoznatije metode odabira spola novorođenčeta jesu sljedeće:

- Vremensko reguliranje snošaja. Ova metoda poznata je kao Šetlesova metoda. To je jedna od prirodnih metoda odabira spola novorođenčeta, jer se oslanja na fizičke osobine spermatozoida. Već smo vidjeli da su muški spermatozoidi pokretljiviji, brži i da kraće žive u odnosu na ženske. To znači da, što odnos bude bliži ovulaciji, vremenu oslobađanja jajne ćelije, koja se kod 28-dnevnog ciklusa događa 14 dana poslije početka menstruacije, prilika spajanja muškog spermatozoida sa jajnom stanicom biva veća i time raste mogućnost začeca muškog djeteta. Veća mogućnost začeca ženskog djeteta biva kada se odnos desi dva ili tri dana pred ovulaciju. Šetles tvrdi da se procent uspješnosti ove metode kreće od 79% do 90%.

- Jelovnik ili prehrambena metoda. Jedna od prirodnih metoda odabira spola djeteta realizira se konzumiranjem određenih vrsta hrane. Rezime ideje na kojoj je bazirana ova metoda jeste da povećanje procenta sodija i kalija uz smanjenje procenta kalcija i magnezija uzrokuje promjene na membrani jajne ćelije tako da privlači muške spermatozoide, a odvraća ženske. Suprotno tome će rezultirati privlačenjem ženskih spermatozoida, a odbijanjem muških. Žena koja želi da zanesu muško dijete treba što više jesti hranu bogatu sodijem i kalijem, a žena koja želi žensko dijete treba da što više jede hranu bogatu kalcijem i magnezijem i da smanji konzumiranje hrane bogate sodijem i kalijem. Medicinari su za to napravili određenu tabelu koje se žena pridržava kroz period od najmanje tri mjeseca. Većina onih koji su pisali o ovoj metodi ukazuje na to da je uspješna, iako postoje medicinari koji su stanovišta da ova metoda ne koristi i ne daje rezultate.

- Ispiranje ulaza u maternicu s ciljem da sredina postane kiselasta ili lužasta. Rezime ove metode jeste da kisela sredina više odgovara ženskim spermatozoidima te da lužasta sredina više odgovara muškim spermatozoidima. Žena koja želi muško ili žensko dijete, prema ovoj metodi, će isprati spolni organ tekućinom koja će utjecati na jačanje kiselog ili lužastog stanja. Neki

medicinari potvrdili su uspjeh ove metode, iako u niskim procentima, dok drugi ljekari tvrde da ova metoda nema utjecaja u formiranju spola djeteta.


- Oplodnja po odabiru. Najprije se laboratorijski odvoje muški spermatozoidi od ženskih, a zatim se željeni spermatozoidi ubrizgaju u maternicu da se sastanu sa jajnom ćelijom. Medicinari tvrde da je ova metoda uspješna do 98%.

- Dijete iz epruvete. Ova metoda bazira se na tome da se uzme sjeme muškarca i žene, nakon čega se izvrši oplodnja van maternice, a potom se ispita spol oplođene jajne ćelije, te se željeni spol unese u maternicu. (Pogledati: prof. dr. Nasir el-Mejman, *En-Nevazilut-tibbija*)

PROPIS ODABIRA SPOLA DJETETA PUTEM SPOMENUTIH METODA

Suvišno je reći da je pitanje odabira spola djeteta jedno od modernih pitanja o kojem nije došao izravan kur'anski ili hadiski tekst koji bi to zabranio ili dozvolio, niti su raniji učenjaci izučavali to pitanje. Mišljenja modernih učenjaka o ovom pitanju raznolika su: neki su to zabranili, drugi dozvolili uz određene uvjete i pravila, neki su ostali suzdržani, a neki su napravili razliku shodno metodama i stanjima.

Prvo mišljenje: Odabir spola djeteta, ukoliko se ispune preciz-





zni uvjeti o kojima će biti govora, je dozvoljen, iako se preporučuje ostavljanje pokušaja odabira spola i potpuno oslanjanje na Allahovu volju. Najistaknutiji pobornici ovog mišljenja su: dr. Jusuf el-Karadavi, prof. dr. Muhammed Osman Šebir i dr. Muhammed Re'fe Osman.

Drugo mišljenje: Odabir spola djeteta je zabranjen. Ovo je mišljenje nekih učenjaka poput Abdurrahmana Abdulhalika, a također iz fetvi Stalne komisije za fetve u Saudijskoj Arabiji razumije se zabrana ovog postupka.

Treće mišljenje: Dozvoljene su prirodne metode koje ne iziskuju otkrivanje avreta pred stranim licima i druge šerijatom zabranjene radnje, za razliku od laboratorijskih metoda. Ovo mišljenje zastupa dr. Abdullah b. Bih i drugi. (*En-Nevazilut-tibbijja, Dirasatun fikhijetun fi kadaja tibbijje muasira, Fetava el-Ledžnetid-daima*)

DOKAZI ZA PRVO MIŠLJENJE

Prvi dokaz: Dozvoljeno je dovititi Allahu da podari dijete određenog spola, kao što su doveli Allahovi po-

slanici, a oni u dovi nisu tražili ono što je zabranjeno. Zekerijja, alejhis-selam, dovio je Allahu riječima: **“Bojim se rođaka svojih po krvi poslije mene, a žena mi je nerotkinja, zato mi pokloni od Sebe sina, da naslijedi mene i porodicu Jakubovu, i učini, Gospodaru moj, da budeš njime zadovoljan.”** (Merjem, 5–6) Ovaj ajet ukazuje na to da je dozvoljeno i propisano upućivati dovu Uzvišenom Allahu u kojoj se traži određeni spol djeteta, jer je Zekerijja, alejhis-selam, dovio tražeći sina kojim je Allah zadovoljan, te ako je dozvoljeno dovom tražiti dijete određenog spola, dozvoljeno je to činiti i drugim sredstvima.

Ovom argumentu može se prigovoriti opaskom da u upućivanju dove Allahu nema opasnosti oslanjanja na druge uzroke kao što je slučaju kada se dijete određenog spola želi dobiti nekom od ranije spomenutih metoda. Dovom se izravno traži od Uzvišenog Allaha, čime se potvrđuje vjera u Njegovu moć i vlast, dok u primjeni drugih uzroka postoji opasnost da se osloni na te uzroke i zaboravi Onaj koji

čini da uzroci daju svoje rezultate – Svemogući Allah.

Drugi dokaz: Analogno dozvoli sprečavanja začeca, dozvoljava se i odabir spola. Islamski pravnici potvrdili su dozvolu *azla* (izlučivanja sjemena izvan rodnice radi sprečavanja trudnoće) uz pristanak žene, te kao što je dozvoljeno reguliranje same trudnoće, dozvoljen je i odabir spola djeteta određenim metodama.

Treći dokaz: Osnova u svemu je dozvola, sve dok ne dođe dokaz koji potvrđuje suprotno, a u našem pitanju nema takvog dokaza, jer određivanje spola ne vodi haramu niti se ostvaruje putem harama.

Ovom argumentu može se prigovoriti opaskom da laboratorijske metode sadrže harame poput otkrivanja avreta i opasnosti da dođe do miješanja sjemena i time greške u pripisivanju porijekla i očinstva. (*En-Nevazilut-tibbijja, El-Mevsukatul-fikhijetul-Kuvejtije, Zejnula-bidin b. Nudžejm, El-Ešbahu venezair*)

DOKAZI ZA DRUGO MIŠLJENJE

Prvi dokaz: Riječi Uzvišenog Allaha: **“Allahova je vlast na nebesima i na Zemlji. On stvara šta hoće! On poklanja žensku djecu kome hoće, a kome hoće – mušku, ili im daje i mušku i žensku, a koga hoće, učini bez poroda; On uistinu, sve zna i sve može.”** (Eš-Šura, 49-50) Ajet upućuje na to da se odabir spola vraća isključivo Uzvišenom Allahu pa je, prema tome, ovo akaidsko pitanje, a odabir spola djeteta smatra se uplitanjem u Allahovu volju i odredbu.

Već je ranije bilo govora o prividnoj oprečnosti ovog ajeta i današnje stvarnosti glede mogućnosti odabira spola djeteta, te da odabir spola djeteta nije u kontradiktornosti sa ajetom.

Drugi dokaz: Ove metode predstavljaju vid mijenjanja Allahovog stvaranja i njegovog preusmjeravanja. Potrebno je to ostaviti da teče svojim tokom bez uplitanja, jer Allah stvara shodno Svojoj velikoj mudrosti, koju mi često ne možemo dokučiti.

Na ovaj dokaz može se odgovoriti da se ove metode ne smatraju mijenjanjem Allahovog stvaranja, jer mijenjanje se dešava nakon postojanja, ne prije, a ovdje se radi o pokušaju da se određeni spermatozoid sastane sa jajnom ćelijom i to prije stvaranja embriona i njegovog formiranja.

Treći dokaz: Omogućavanje odabira spola djeteta rezultira poremećajem u omjeru muškaraca i žena, što opet uzrokuje mnoge probleme na raznim poljima ljudskog života. Isto tako, to indirektno vodi smanjenju broja članova ljudske zajednice, jer će se zadovoljiti brojem rođene djece nakon što se dobije željeni spol, a to je suprotno islamskoj uputi i podsticaju na povećanje poroda i broja djece.

Na ovaj dokaz može se odgovoriti sljedeće: tako bi bilo ako bi se odabir spola omogućio svima bez

kontrole i pravila, međutim, to nije dozvoljeno, nego je dozvola uvjetovana prijevremenom potrebom i svedena je na samo određena stanja.

Četvrti dokaz: Primjena ovih metoda vodi poigravanju sa očinstvom i porijeklom, a islam baštini čuvanje porijekla i krvne veze. Eventualno miješanje porijekla uzrokuje nered, koji se ne može tolerirati radi ostvarenja puke želje roditelja.

Na ovaj dokaz može se odgovoriti time da je dozvola uvjetovana sigurnošću da ne dođe do miješanja sjemena. (*En-Nevazilut-tibbijja, Dirasatun fikhijetun fi kadaja tibbijje muasira*)

DOKAZI ZA TREĆE MIŠLJENJE

Pobornici trećeg mišljenja pokušavaju uskladiti dokaze dozvole i zabrane na način da argumentima prvog mišljenja opravdaju dozvoljenost prirodnih metoda, a argumentima drugog mišljenja zabranu laboratorijskih metoda. Prirodne metode su dozvoljene jer ih realiziraju sami bračni drugovi bez uplitanja trećih lica i zapadanja u šerijatom zabranjene radnje, poput otkrivanje avreta, za razliku od laboratorijskih metoda koje to nužno iziskuju.

ZAKLJUČAK

Nakon što smo upoznali metode određivanja spola djeteta, te vidjeli najbitnije argumente koji se navode u pogledu ovog pitanja i opaske na njih, zaključujemo sljedeće:

Prirodne metode su dozvoljene uz uvjet da se ne oslanja na njih, nego se čvrsto vjeruje da su to samo uzroci koji će dati rezultat ako to Allah želi, i da je stvar, na početku i na kraju, u Allahovoj ruci.

Ukoliko postoji prijeka potreba (darura) ili velika potreba koja po prima propis darure, laboratorijski

odabir spola djeteta je dozvoljen, ali je dozvola ograničena uvjetima i pravilima koji dozvolu svode samo na posebna stanja i sprečavaju neželjene posljedice. Učenjaci koji su dozvolili odabir spola djeteta laboratorijskim metodama naveli su uvjete bez kojih te metode nisu dozvoljene, a to su:

- da se laboratorijskoj metodi pristupi samo u slučaju darure – prijeka potrebe ili velike potrebe koja uzima propis darure;
- da zahvat bude izveden od pozvanog ljekara muslimana, koji će udovoljiti želji roditelja tek nakon što se uvjeri da za tim postoji stvarna potreba;
- da odabir spola djeteta ne obuhvati širok dijapazon ljudi, nego da ostane u uskim granicama i na nivou pojedinaca;
- da se vjeruje da je sve što čovjek čini samo uzrok, a krajnji rezultat je u Allahovoj ruci. On određuje šta želi i poklanja mušku i žensku djecu kome On hoće;
- da se ispune uvjeti dozvole vještačke oplodnje, tj. da nakon što se ustanovi stvarna potreba za vještačkom oplodnjom, da se provjeri postojanje ispravne bračne veze između para koji želi dijete, da prevlada mišljenje ljekara da će oplodnja uspjeti, da se preduzmu sve moguće i potrebne mjere da ne dođe do miješanja sjemena, kao što su: da se oplodnja učini odmah u prisustvu muža, da se uništi sjeme koje preostane nakon oplodnje i da se operacija izvede u zvaničnim centrima u kojima je sigurno da neće doći do miješanja sjemena. Također, obavezno je pridržavati se općih kodeksa o otkrivanju stidnog mjesta, tj. da se otkrije samo u mjeri koja je neophodna. (*Dirasatun fikhijetun fi kadaja tibbijje muasire i En-Nevazilut-tibbijja*) Uzvišeni Allah najbolje zna!



U mjesecu oktobru mediji u Mijanmaru izvijestili su o prijateljskom susretu budističkih svećenika u toj zemlji sa gostima iz Irana. Prijateljski skup između nekolicine šijskih svećenika, predstavnika Internacionalnog univerziteta El-Mustafa, i budističkih predstavnika održao se u Rangunu, glav-

nom gradu Mijanmara.

Dok u toj zemlji traju sistematski progoni muslimana od strane budista koji čine bestijalne zločine nad muslimanima, dragi gosti iz Irana svojim su domaćinima pričali o politici koju njihova vlada primjenjuje prema vjerskim manjinama, te o ideološkoj matrici na kojoj počiva iranski režim.

Iranska je delegacija posjetila područja Arakana u koja, prema riječima Muhammeda Ejjuba Seidija, aktiviste Rohinja muslimana, mijanmarski muslimani slijede sunnijsku doktrinu u vjerovanju, pa su ovi sumnjivi susreti šijskog klera sa budistima izazvali strahove od mogućeg širenja šiizma među domaćim muslimanima. Jer, sudeći prema međusobnim simpatijama, budisti blagonaklono gledaju na šiizam, stoga nije isključeno da im se dopu-

sti propagiranje šiizma među mijanmarskim muslimanima, a ne treba ni sumnjati u to da će mnogi muslimani u, mijanmarskim budistima dragom, šiizmu potražiti spas od budističkog izživljavanja nad njima.

Treba istaći da su 2013. u jeku zločinačkog divljanja budista nad muslimanima pokrajine Arakan, iranski aktivisti nesmetano djelovali u ovoj pokajini i pod plaštom humanitarnog djelovanja širili ideje šiizma među lokalnim muslimanima, dok je sunnijskim organizacijama bio zabranjen pristup području, čak je jedva odobrena kratka posjeta Organizaciji islamske saradnje i to nakon mučnih pregovora i intenzivnih nastojanja.

(Izvor: islmmemo.cc)

Njemačka kancelarka Angela Merkel reagirala je na izjave izraelskog premijera Benjamina Netanjahua o krivici za holokaust nad jevrejima u Drugom svjetskom ratu. Naime, izraelski je premijer 20. oktobra 2015. u svom govoru na 37. cionističkom svjetskom kongresu u Jerusalemu izjavio da Hitler nije namjeravao poubijati jevreje u Drugom svjetskom ratu, već ih samo protjerati. Ali da ga je na ideju o istrebljenju jevreja nagovorio tadašnji veliki muftija iz Jerusalema, Hadž Amin el-Husseini. Kako Netanjahu kaže, ovaj se muftija sastao sa Hitlerom 1941. u Berlinu. U tom je razgovoru rekao da će oni, ako Hitler protjera jevreje,

doći u Palestinu, koja je tada bila pod kontrolom Engleske. Hitler je u tom razgovoru tražio savjet od muftije, šta onda da radi sa jevrejima, na što mu je ovaj odgovorio da ih sve pobije i spali.

Dan kasnije u Berlinu, na zajedničkoj press-konferenciji sa Netanjahuom, njemačka je kancelarka izjavila da odgovornost za holokaust nad jevrejima u Drugom svjetskom ratu snose isključivo Nijemci i da nema potrebe za izmjenom historijskih utvrđenih činjenica i dokaza.

(Izvor: volkskrant.nl)



Krajem oktobra u glavnom gradu Tunisa, ispred sjedišta Ministarstva za vjerska pitanja održan je protestni skup na kojem je nekoliko stotina okupljenih izrazilo protivljenje odlukama ovog ministarstva o smjenama jednog broja imama. Konkretna povod je smjena poznatog tuniskog imama i hatiba Ride Dževadija. Okupljeni demonstranti uzvikivali su parole kojima traže pravo da sami biraju imame i hatibe svojih džamija.

Vlada Habiba es-Sida do sada je zatvorila 80 džamija zabranivši imamima i hatibima tih džamija daljnji rad u vjerskoj službi. Obrazloženje vlade je da se radi o imamima koji su širili ekstremističke ideje, a lokalni mediji izvještavaju da su imami smijenjeni jer pripadaju selefijском pokretu.

Naknadno je dvadeset sedam zatvorenih džamija ponovo otvoreno i dozvoljen im je rad pod patronatom Ministarstva vjerskih pitanja. Od pada Ben Alija u Tunisu vode se borbe za utjecaj u džamijama. Prema nekim izvještajima, nakon pada režima, čak hiljadu džamija preuzeli su imami za koje su mediji i vlasti tvrdili da slijede ideologiju tekfira. Sve te džamije vremenom su vraćene pod okrilje Ministarstva vjerskih pitanja, a njihovim je imamima zabranjen rad. Također se navodi da je od pada Ben Alijevog režima sagrađeno 187 džamija bez dozvole Ministarstva, te se očekuje odluka o njihovom statusu.

(Izvor: elaph.com)



Snage Bašara el-Asada i njegovih saveznika, šijskih militantata iz različitih zemalja, pretrpjele su ogromne gubitke u dosadašnjem toku ofanzive koju, uz podršku ruske avijacije, vode protiv opozicionih snaga. Asadove snage i šijske milicije koje se bore na njegovoj strani uprkos direktnoj podršci Rusije i Irana, pored ogromnih gubitaka, nisu uspjele ostvariti značajne pomake na frontu. Razlog za to jeste, prema tvrdnjama The New York Timesa, podrška koju Kraljevina Saudijska Arabija pruža opozicionim borcima, a koja se ogleda u opremanju opozicionih grupa protutenkovskim naoružanjem.

Snimci koje gledamo ovih dana, a koji prikazuju uništavanje brojnih tenkova i oklopnih vozila, potvrđuju da je sirijska opozicija opremljena značajnim količinama protutenkovskih sredstava.

To naoružanje kojim su snabdjeveni, opozicione snage vrlo dobro koriste i ono je jedan od glavnih razloga uspješne odbrane njihovih linija.

Tačno je da su Asadove snage i šijske milicije, prvenstveno zahvaljujući zračnoj podršci ruske avijacije, ostvarile manje uspjehe u vidu osvajanje nekih sela u pokrajini Halep, ali je cijena tih uspjeha bila izuzetno visoka, pa su Asadovi vojnici sada vrlo oprezni kada je u pitanju daljnji tok operacija. Britanski The Guardian prenio je izjave nekoliko opozicionih zapovjednika u kojima potvrđuju primanje saudijske pomoći. Analitičari smatraju da je opskrbljivanje protutenkovskim naoružanjem maksimalno, što sirijska opozicija može očekivati od zemalja koje joj pružaju podršku. I neretno je očekivati da će u skorije vrijeme biti opskrbljeni moćnim sredstvima protuzračne odbrane.

(Izvor: *sabq.org*)

U emisiji *Es-Sundukul-esved* na televiziji Al-Jazeera otkrivene su mnoge tajne o bivšem iračkom premijeru Nuriju el-Malikiju. U emisiji je predstavljen njegov politički uspon počevši od 1968. kada se priključuje šijskoj sektaškoj stranci Hizbud-da'Ve, potom preuzimanje zapovjedništva nad vojnim krilom stranke koje je djelovalo iz Irana, nakon dolaska na vlast Sadama u Iraku i Homeinija u Iranu. Vojni ogranak ove stranke, sa Malikijem na čelu, planirao je mnoge terorističke akcije uperene protiv interesa Iraka. Na mjesto iračkog premijera Maliki dolazi 2006. nakon eskalacije sukoba koje tadašnji premijer Džaferi nije mogao riješiti, pa su se Amerikanci odlučili za Malikija, jer je imao povjerenje različitih šijskih struja.

Odmah po stupanju na dužnost, Maliki je počeo provoditi sektašku politiku. Kroz desetine dokumenata koji su prikazani u emisiji, potvrđuje se da Maliki stoji iza brojnih atentata i likvidacija, te nezakonitih hapšenja i držanja u zatočeništvu brojnih sunnija, a sve pod izgovorom borbe protiv terorizma.

Dokumenti pokazuju da Maliki stoji iza osnivanja šijskih milicija (paravojnih i parapolicijskih snaga) koje su u svoje tajne zatvore zatvarali osobe po Malikijevim uputama. Ove šijske sektaške milicije odgovor-



ne su za svirepe likvidacije oko sedamdeset pet hiljada sunnija, od kojih je tri stotine i pedeset vjerskih učenjaka i osamdeset pilota.

(Izvor: *aljazeera.net*)



AUTOR: DR. BEŠIR ZEJNULABIDIN (SIRIJSKI INTELEKTUALAC)
PREVEO I UREDIO: ABDULLAH NASUP

Ciljevi ruske vojne intervencije u Siriji

NA OSNOVU PRVIH VOJNIH UDARA RUSKOG ZRAKOPLOVSTVA I NAPADA IRANSKIH SNAGA MOŽEMO ZAKLJUČITI DA SE RUSKO-IRANSKA VOJNA INTERVENCIJA POKLAPA SA AŠADOVOM STRATEGIJOM KOJA POČIVA NA ZADRŽAVANJU VOJNOG PRISUSTVA NA PODRUČJU KOJE NAZIVA "KORISNOM SIRIJOM", A TO SU POKRAJINE LATTAKIJA I TARTUS, DIJELOVI POKRAJINA HOMS I HAMA TE GLAVNI GRAD DAMASK. OVO ZAKLJUČUJEM NA OSNOVU ČINJENICE DA SU RUSKE VOJNE SNAGE (48 BORBENIH AVIONA, 6 TENKOVA I 35 OKLOPNIH VOZILA) SMJEŠTENE U ZRAKOPLOVNOJ BAZI HAMIMIN KOD LATTAKIJE I MORNARIČKOJ BAZI U TARTUSU, I S OZBIROM NA TO NISU U STANJU IZVESTI KOPNE NE OPERACIJE NA PODRUČJIMA UDALJENIM OD TIH BAZA. PORED TOGA, OGRANIČENE EKONOMSKE MOGUĆNOSTI ONEMOGUĆAVAJU RUSIJI PODUZIMANJE BILO KAKVE KOPNE NE OPERACIJE ŠIRIH RAZMJERA NA TERITORIJU UDALJENOM OD NJENIH GRANICA, NAROČITO ZBOG MEĐUNARODNOG PRITISKA I SANKCIJA MEĐUNARODNE ZAJEDNICE KOJIMA JE RUSIJA IZLOŽENA NAKON ANEKSije KRIMA, PADA CIJENA NAFTE, PADA VRIJEDNOSTI RUBLJE I POSKUPLJENJA ODREĐENIH ŽIVEŽNIH NAMIRNICA ZA ČAK 30%.

Ruska avijacija, 3. septembra 2015. godine, započela je prve zračne napade na opozicione ciljeve u Siriji. Meta su im bili skladišta naoružanja i oklopna vozila sirijske opozicije u području pokrajina Halep, Idlib, Hama i Homs.

Operacije se odvijaju prema informacijama koje priprema zajednič-

ka operaciona grupa sastavljena od ruskih, iranskih, iračkih (šiijskih) i sirijskih (režimskih) eksperata, sa sjedištem u Bagdadu.

Operacije ruskog ratnog zrakoplovstva započele su nakon opsežnih priprema koje su uključivale opremanje ruske vojne baze u Tartusu nuklearnom podmornicom i flotom

ratnih brodova, proširenje zrakoplovne baze Hamimin kod Lattakije. U bazu Hamimin dopremljeno je 48 aviona tipa Suhoj (Su-24, Su-25 i Su-30), borbeni helikopteri, 35 oklopnih borbenih vozila, 6 tenkova T-90, oko 800 pripadnika ruskih specijalnih snaga i 500 pripadnika mornarice. Pored toga, uz bazu je sti-

gao i nepoznat broj šijskih plaćenika iz Iraka, Pakistana i Afganistana.

Prvi ruski zrakoplovni napadi demantirali su tvrdnje zvaničnika kako im je cilj borba protiv snaga IDIŠ-a, a potvrdili tvrdnje sirijske opozicije da su oni cilj ruske vojne intervencije.

NAJVAŽNIJI RUSKI CILJEVI U VOJNOJ INTERVENCIJI

Na osnovu ruskih diplomatskih i vojnih aktivnosti prije početka intervencije, možemo zaključiti da su njihovi glavni ciljevi:

- Uspostavljanje novog sigurnosnog sistema u regiji u kojem postoji tijesna saradnja između Rusije, Irana, Iraka (kojim vladaju šiije), Sirije i Izraela. Drugog oktobra 2015. godine, general Sergej Koralenko, ruski vladin ekspert u bagdadskom Informacionom centru u intervjuu za RT kazao je kako je osnovni cilj Centra prikupljanje obavještajnih podataka koji se tiču IDIŠ-a i dostavljanje prikupljenih podataka vlastima Rusije, Irana, Iraka i Sirije. General Koralenko je kazao: "Informacioni centar nije ograničen samo na pružanje podataka četirima zemljama i nadamo se da će i druge zemlje regije izraziti zainteresiranost za saradnju u borbi protiv IDIŠ-a." Ovim riječima ruski ekspert, očito, aludira, na to da su otvoreni za saradnju sa Izraelom. Ove izjave, kao i gomilanje ruskih snaga u Siriji dolaze uporedo sa sastankom između vrhovnih komandanata ruske i izraelske vojske koji je održan kako bi se utanačila međusobna saradnja dviju strana na različitim vojnim poljima. Prema izvještajima izraelskih medija, ruska strana je prije izvođenja napada tridesetog septembra o ciljevima koje će napasti detaljno obavijestila Izraelce.

- Slabljenje opozicionih snaga na područjima koja je Asad nedavno izgubio. Na sastanku između ruskog predsjednika i izraelskog premijera održanom 21. septembra 2015., Putin je izraelskom premijeru potvrdio da ruska avijacija neće izvoditi operacije na jugu Sirije, da neće dozvoli-

ti Hezbollahu prevoženje naoružanja kroz jugozapadni dio Sirije, a da će svoje poteze koordinirati sa Tel Avivom. Putin je, tom prilikom, naglasio kako ruska intervencija u Siriji ima za cilj odbranu sirijskog režima i jačanje njegovih borbenih sposobnosti, zatim pružanje podrške Iranu da odigra pozitivnu ulogu u regiji nakon sporazuma o nuklearnom programu i borbu protiv ekstremista. Putin je ukazao na to kako nakon ostvarenja ovih ciljeva planira rukovoditi provođenjem prijelaznog perioda koji se sastoji od uspostavljanje prekida vatre, formiranja prijelazne vlade sastavljene od predstavnika opozicije i režima, kontroliranja lokalnih, parlamentarnih i predsjedničkih izbora. Putin je izraelskoj delegaciji kazao kako je za provođenje navedenog plana neophodno osnažiti postojeći režim i omogućiti mu da rukovodi procesom prijelazne uprave. Izraelski mediji, pozivajući se na izvore iz Mosada, tvrde kako je na sastanku između vojnih zvaničnika Rusije i Izraela, izraelska strana obaviještena da Rusi planiraju pružiti zračnu podršku šijskim plaćenicima, koji će se uskoro pridružiti Hezbollahu i režimskim

snagama u vojnoj ofanzivi na područja koja su izgubili u pokrajinama Hami i Homsu.

- Pripremanje situacije u kojoj će političke promjene predvoditi režim. Uporedo s vojnom intervencijom, ruske vlasti intenziviraju diplomatske aktivnosti u nastojanju da nametnu svoje političko rješenje u Siriji. Ruski zvaničnici govore o prijelaznoj vladi sastavljenoj od režimskih ljudi i "umjerene" opozicije koja bi provela lokalne, opće i predsjedničke izbore. Rusko političko rješenje za Siriju temelji se na ideji iranskog režima koju je predstavio iranski ministar vanjskih poslova Zarif. Iranski plan predviđa potpuno odbacivanje Ženeve 1 i 2, te pristupanje pregovorima između Irana s jedne strane i zemalja članica Zaljevske saradnje sa druge strane. Početku pregovora prethodio bi prekid vatre i obustava pružanja vojne pomoći opozicionim snagama, a iranski uvjet je da se prijelazni period odvija pod vođstvom predsjednika Asada.

- Revitaliziranje ruske vojne industrije i širenje utjecaja kroz razvoj nuklearnog programa arapskih zemalja. Rusija se sve više nameće





kao respektabilan svjetski igrač na političkom, vojnom i ekonomskom polju. U prošlosti je Rusija bila glavni snabdjevač naoružanjem brojnih arapskih zemalja i ruske vlasti sada žele da se vrate na to profitabilno tržište. Rusija vodi aktivne pregovore sa Saudijskom Arabijom, Emirati-ma, Kuvajtom i Jordanom o razvoju njihovog programa nuklearne energije za miroljubive svrhe. U februaru ove godine Rusija je sa egipatskim predsjednikom Sisijem potpisala sporazum o gradnji nekoliko nuklearnih reaktora u Egiptu, a u junu sa Saudijskom Arabijom o izgradnji šesnaest nuklearnih reaktora na njenom području. Rusko ministarstvo odbrane u procesu je pregovora sa zaljevskim zemljama o unapređenju mornaričkih snaga, zrakoplovne odbrane, te razvoju bespilotnih letjelica, radarskih sistema oklopnih vozila. Sve ovo iziskuje od Rusije snažno prisustvo njenih snaga u morskim vodama Mediterana.

PERSPEKTIVE I OČEKIVANI EPILOG RUSKE VOJNE INTERVENCIJE U SIRIJI

Na osnovu prvih vojnih udara ruskog zrakoplovstva i napada iranskih snaga možemo zaključiti da se rusko-iranska vojna intervencija poklapa sa Asadovom strategijom koja počiva na zadržavanju vojnog prisustva na području koje naziva "korisnom Sirijom", a to su pokrajine Lattakija i Tartus, dijelovi pokrajina Homs i Hama te glavni grad Damask. Ovo zaključujem na osnovu činjenice da su ruske vojne snage (48 borbenih aviona, 6 tenkova i 35 oklopnih vo-

zila) smještene u zrakoplovnoj bazi Hamimin kod Lattakije i mornaričkoj bazi u Tartusu, i s obzirom na to nisu u stanju izvesti kopnene operacije na područjima udaljenim od tih baza.

Pored toga, ograničene ekonomske mogućnosti onemogućavaju Rusiji poduzimanje bilo kakve kopnene operacije širih razmjera na teritoriju udaljenom od njenih granica, naročito zbog međunarodnog pritiska i sankcija međunarodne zajednice kojima je Rusija izložena nakon aneksije Krima, pada cijena nafte, pada vrijednosti rublje i poskupljenja određenih živežnih namirnica za čak 30%.

Treba istaći da ruska vojna intervencija u Siriji nije ni prva ni najznačajnija ruska pomoć Asadovom režimu. U proteklim godinama Asadovom je režimu isporučeno: sofisticirani sistem protuzračne odbrane, borbeni helikopteri, avioni Suhoj i Mig, tenkovi, oklopna vozila, artiljerijsko naoružanje i velike količine streljiva, a ruski obavještajci su pomagali Asadu u prikupljanju podataka o kretanju i položajima opozicionih snaga, te su usmjeravali napade njegovih snaga na opoziciju, ali sve to nije zaustavilo napredovanje opozicionih snaga i nije donijelo prevagu Asadu.

Prema upućenim izvorima, krah Asadove vojske koja je potrošila oko 90% artiljerijskog streljiva koje je posjedovala prije rata, te kontinuirani porazi koji su teritorij pod kontrolom Asada sveli na 18%, jedan su od glavnih razloga ruske vojne intervencije, jer Asad sa trenutnim snagama nije u stanju povratiti izgubljene teritorije, a i zadržavanje onoga što

trenutno kontrolira postalo je neizvjesno. Rusija ga, dakle, želi spasiti od potpunog poraza.

Dosadašnje guranje šiitskih plaćenika iz različitih zemalja u odbranu Asadovog režima nije urodilo plodom, pa se ni od najnovijeg gomilanja sektaških snaga ne očekuje da će napraviti značajan preokret. Neki analitičari ističu da su posljednje rusko-iranske aktivnosti pokušaj da se zaustavi uzaludno iransko rasipanje novca u cilju održavanja Asada na vlasti. Iran je do sada potrošio oko 40 milijardi dolara da bi održao Asada na vlasti, dok veliki dio iranskog stanovništva živi ispod granice siromaštva.

Hezbollah je, također, veoma iscrpljen. U sirijskom ratu poginulo je preko 1800 pripadnika Hezbollaha, a više od 3.000 je ranjeno. Brojni porazi natjerali su Hezbollah da na nekoliko ratišta sa opozicionim snagama potpiše sporazum o prekidu vatre. Ovo je još jedna činjenica zbog koje sam uvjeren da će rusko-iranska vojna intervencija imati ograničeno dejstvo i skroman rezultat, jer Asadova strana ne raspolaže kopnenim snagama na koje se može osloniti u operacijama širih razmjera. Osim toga, Rusi su svjesni da je nerealno očekivati potpuni poraz opozicionih snaga koje raspolažu desetinama hiljada prekaljenih boraca sposobnih da se prilagode promjeni strategije Asadovih snaga, što su do sada pokazali u više navrata. Zato smatram da se cilj ruske vojne intervencije ograničava na uspostavljanje ravnoteže između Asadovih i opozicionih snaga na području koje je Asad nedavno izgubio

(Izvor: *almoslim.net*)